



四川大學古籍整理研究所編

儒藏

史部
第二十一冊

四川大學出版社



四川大學古籍整理研究所 編

儒藏·史部

孔孟史志

第十一冊

四川大學出版社 二〇〇五年

孔孟史志

目錄

文廟丁祭譜二（卷二至卷六）	刁忠民 校點	劉琳 審稿	一
聖門禮誌	郭齊 校點	劉琳 審稿	二四七
聖門樂誌	郭齊 校點	劉琳 審稿	二七三
文廟禮樂考	刁忠民 校點	劉琳 審稿	三二五
孔子言行類纂一（卷一至卷一三）	王開隊 校點	邱進之 審稿	四一五



儒藏

祀典源流講卷第二之一

歷代崇祀

先師源流考

壬戌周敬王四十有一年魯哀公十六年夏四月公誅孔子曰

尼父。

謹案舊載哀公十七年立廟故宅祀孔子為廟祀之始而闕里文獻考祇云周末時即孔子所居之堂為廟今附注於此

丙午漢高帝十二年冬十一月帝自淮南過魯以太牢

祠孔子。

此帝王祀孔子之始。○史記云諸侯卿相至常先謁然後從政。

戊寅元帝永光元年詔褒成侯霸以所食邑祀孔子。

此世爵奉祠之始。

辛酉平帝元始元年夏六月追諡孔子為褒成宣尼公。

此諡孔子之始。

己丑光武帝建武五年冬十月帝如魯使大司空宏祠

孔子。

初起大學帝還視之。

己未明帝永平二年冬十月令學校皆祀周公孔子。

此學校祀孔子之始。○是歲春三月臨雍行太射禮冬十月行養老禮令郡縣道行鄉飲酒禮于學校皆祀周公孔子牲以犬。

壬申十五年春三月帝東巡至魯祠孔子及七十二弟子。

此弟子從祀之始。○漢春秋曰帝升廟西向羣臣中庭北面皆再拜帝進爵乃坐。

乙酉章帝元和二年帝東巡春三月庚寅至魯祠孔子

及七十二弟子于闕里作六代之樂。

大會孔氏男子六十三人賜賚有差。雷祭器陶質大尊一銅質犧尊象尊山尊雷尊各一。○謹案漢

廟庭。五器今尙供闕里。高廟東巡釋奠闕里特降

聖諭前歲修葺太學告成因念闕里廟堂設有犧象諸尊爰擇鐫藏周範銅鼎尊等十事陳之大成殿用備禮器

茲臨幸曲阜祇謁先師闕視所列各器不過後漢時所

造且色澤亦不能甚古惟茲昌平聖里宜陳法物以為

觀美著做大學之例頒內府所藏姬朝銅器十事備列

廟庭用恆從周素願侯朕回鑿後慎選郵發交與衍聖

公孔昭煥世守勿替以副朕則古稱先至意欽此。後賁

到周範銅器木鼎亞尊犧尊伯彝冊首蟠夔敦寶

簋夔鳳豆饗饗罍四足鬲各一別以十千為次。又

御書器備從先四字次序說圖說居祭恭陳殿庭已事謹藏禮器庫其漢時五器皮而不用。

甲子安帝延光三年帝東巡春三月戊戌至魯祠孔子及七十二弟子。



壬桓帝元嘉二年春三月，魯相乙瑛請置孔子廟百石卒史一人。

典主守廟春秋享禮，出王家錢給犬酒直，制曰可。

西靈帝建寧二年春三月，魯相史晨請祀孔子，依社稷出王家穀，春秋行禮，以供禮祀。

戊光和元年，立鴻都門學，畫孔子及七十二弟子像。
辛昭烈帝章武元年魏文帝黃初二年春正月，魏令魯郡修孔子廟，置百石吏卒以守衛之。

詔曰：昔仲尼，質大聖之才，懷帝王之器。當衰周之末，而無受命之運，乃退考五代之禮，修素王之事。因魯史而制春秋，就太史而正雅頌，俾千載之後，莫不采其文以述作，仰其聖以成謀。茲可謂命世大聖，億載之師表者已。遭天下大亂，百祀墮壞，舊居之廟毀而不修，衰成之後，絕而莫繼。闕里不聞講誦之聲，四時不親蒸嘗之位。斯豈所謂崇化報功，盛德百世必祀者哉！嗟乎，朕甚憫焉。其以議郎孔羨為宗，世必祀者，朕甚憫焉。其以議郎廟置百石吏卒以守衛之。又於其外，廣為屋宇，以居學者。

辛帝禪延熙四年魏齊王芳正始二年春二月，魏使太常以太

牢祭孔子於辟雍，以顏淵配。

此國學釋奠以弟子配享之始。以請論語通故。其後五年講尚書通，七年講禮記通，並使太常以太牢釋奠。辟雍如儀。

亥晉武帝泰始三年冬十一月，詔太學及魯國四時

備三牲祀孔子。

謹案：曲阜志通編於太始二年，有詔以顏子為先師一條。

辛七年，皇太子以太牢祀孔子。

此太子釋奠之始。以講孝經通故。自是皇太子每通一經，必親釋奠於太學，而歷朝亦並舉其禮。

乙明帝太寧三年，詔給奉聖亭侯亭四時祭孔子祠，直如太始故事。

乙成帝咸康元年春二月甲子，帝釋奠於國學。

此天子親祭國學之始。以講詩經通故。

丁穆帝升平元年春三月壬申，帝釋奠於中堂。

祠孔子，以顏子配。時以太學在水南懸遠，有司議權以中堂為太學。

乙孝武帝寧康三年，帝釋奠於中堂。

己太元十四年冬十一月，勅修闕里孔子廟。

壬宋文帝元嘉十九年魏太平真君三年冬十二月丙申，詔

修孔子廟，復學舍，召生徒。

詔曰：胄子始集，學業方興。自微言泯絕，逝將千祀。感事思人，意有慨然。奉聖之蔭，可速議繼襲。於先廟地，特為營造，依舊給祠直，令四時饗祀。

乙二十二年魏太平真君六年皇太子釋奠，樂用登歌。



此釋奠用樂之始。

甲午 孝武帝 孝建元年魏興光元年 冬十月戊寅 詔建孔子

廟制同諸侯之禮。

詔曰：仲尼體天降德，維周興漢，經緯三極，冠冕百王。爰自前代，咸加褒述，典與義失，人用缺宗。祀先朝遠存遺範，有詔繕立，世故妨道，事未克就。國難頻深，忠勇奮勵，實憑聖義，大教所敦，永惟兼懷，無忘待旦。可開建廟制，同諸侯之禮。昔擇爽壇，厚給祭秩。

乙丑 齊武帝 永明三年魏太和九年 秋 詔釋奠先師，設軒縣

之樂，六佾之舞，牲牢器用悉依上公。

此釋奠用舞之始。

己巳 七年魏太和十三年 春二月己丑 詔修孔子祀。

詔曰：宣尼誕敷文德，峻極自天，發揮七代，陶鈞萬品。英風獨舉，素王誰匹，功隱於當年，道深於日月。感麟厥世，緬邈千祀，川竭谷虛，邱夷樹塞，非但洙泗溷淪，至乃饗堂乏主，前王敬仰，崇修寢廟。成月巫流，物為茂革，今學校興立，資桌洪規，撫事懷人，彌增欽屬，可改築宗祊，務在爽壇，並給祭秩，禮同諸侯，奉聖之爵，以時紹繼。

戊寅 明帝 永泰元年魏太和十二年 春三月戊申 詔修孔子

祀。詔曰：仲尼明聖在躬，允光上哲，宏厥雅道，大訓生民。師範百王，軌儀千載，世人斯仰，忠孝攸出。元功潛被，至德彌闡，雖反袂遐曠，而眺薦靡缺。時祭舊品，秩比諸侯，頃歲以來，祀典陵替，邇夏寂寥，牲牛

莫舉，豈所以克昭盛烈，永隆風教者哉。可式循舊典，詳復祭秩，使宰餼備禮，欽饗兼申。

乙酉 梁武帝 天監四年魏正始二年 夏六月庚戌 詔建孔子

廟。

己丑 八年魏永平二年 秋九月 皇太子釋奠。

周捨以為先師在堂，皇太子宜登阼階，以明從師之義，從之。

庚寅 九年魏永平三年 帝視學。

丁丑 敬帝 太平二年魏恭帝四年 春正月壬寅 詔修孔子祀。

詔曰：夫子降靈體赫，經仁緯義，允光素王，載開元功。仰之者彌高，誨之者不倦，立忠立孝，德被蒸民。制禮作樂，道冠羣后，雖泰山頽峻，一簣不遺，而泗水餘淵，千載猶在。自皇圖屯阻，祇薦不修，奉聖之門，似續職滅，敬神之寢，簠簋寂寥。永言聲烈，實兼欽愴，可搜舉魯國之族，以為奉聖侯，并繕廟堂，供備祀典，四時薦敬，一皆遵舊。

乙巳 陳後主 至德三年隋開皇五年 冬十一月己未 詔建孔子

廟。

詔曰：宣尼誕膺上哲，體資至聖，祖述憲章之典，並天地而合德，樂正雅頌之奧，與日月而偕明。垂後昆之訓，範開生民之耳目。梁季溷微，靈寢亡處，鞠為茂草，三十餘年，敬仰如在，永惟懷息。今雅道雍熙，由庚得所，斷琴故履，零落不追。開篋開書，無因循復，可詳之禮典，改築舊廟，蕙房桂棟，威使維新。芳薰潔燎，以時饗奠。

辛丑 魏道武帝 天興四年晉隆安五年 春二月丁亥 命樂師

入學習舞，釋菜於先聖先師。

丙太武帝始光三年宋元嘉三年春二月，詔起太學於城

東，祀孔子，以顏淵配。

庚太平真君十一年宋元嘉十七年冬十一月，帝進至魯

郡，使使者以太牢祠孔子。

戊獻文帝皇興二年宋泰始四年遣中書令高允兼太常

至兗州以太牢祀孔子。

壬孝文帝延興二年宋泰豫元年春二月乙巳，定祭孔子

廟之制。

詔曰：尼父稟達聖之姿，體生知之量，窮理盡性，道
光四海，頃者徐淮未賓，廟隔非所，致令祠典頓寢，
禮章殄滅，遂使女巫妖覲，淫進非禮，殺生鼓舞，倡
優蝶狎，豈所以尊明師，敬聖道者也！自今以後，有
祭孔子廟，制用酒脯而已，不聽婦女合雜，以祈非
望之福，犯者以違制論。其公家有事，自如常禮，儀
牲案盛，務盡豐潔，臨事致敬，令肅如也。牧司之官，明科不法，使禁令必行。

已太和十三年齊永明七年秋七月，詔立孔子廟於京師。

壬十六年齊永明十年春二月癸丑，詔改諡孔子曰文聖

尼父，告諡于廟。

時竝修堯舜禹周公孔子之祀，皆令牧守執事，其
宣尼之主祀于中書省，親行拜祭。此有司祀廟
始之。

乙十九年齊建武二年夏四月庚申，帝如魯城祠孔子。

詔兗州為孔子起園，栽植，修飾，煢爨，更建碑銘，褒揚聖德。

辛孝明帝正光二年梁普通二年春三月庚午，帝詣國學

祠孔子，以顏子配。

先是，元年春正月乙酉，詔曰：建國韓民，立教為本，
尊師崇道，茲典自昔。來歲仲陽，節和氣潤，釋奠孔
顏，乃其時也。有司可豫繕國學，圖飾聖賢，置官簡牲，擇吉行禮。

甲孝武帝永熙三年梁中大通六年春二月丙子，帝釋奠於

先師。

勅諸大臣講經。

庚齊文宣帝天保元年梁大寶元年夏六月，遣祭孔子。

制將講於天子，先定經於廟，講畢以一大牢釋奠，
列軒縣樂，六佾舞，行三獻禮。皇太子每過一經，及
新立學，必釋奠。定春秋二仲，致祭。月朔祭酒，以下
拜孔，揖顏，郡學于坊內立孔顏廟，博士以下每月
而朝。此春秋釋奠及朔日行禮之始。

庚周靜帝大象二年陳太建十二年春二月丁巳，帝幸露門

學行釋奠禮。三月丁亥，追封孔子鄒國公。

詔曰：盛德之後，是稱不絕。功施於民，義昭祀典。孔
子德惟藏，往道實生。知以大聖之才，屬于古之運。
載宏儒業，式教彝倫。至如參贊天人之理，裁成禮
樂之務，故以作範百王，垂風萬葉。朕欲承寶歷，服
膺教義，春言洙泗，懷道滋深。而褒成敬號，雖彰故
實，旌崇聖績，猶有關如。可追封為鄒國公，邑數千

舊并立後承襲別於京師置廟以時祭享。

辛酉隋文帝仁壽九年制釋奠樂章。

制國子歲以四仲月上丁釋奠先聖先師州郡學以春秋仲月釋奠奏誠夏今存者惟登歌一章辭曰經國立訓學重教先三墳壁冊五典西篇開鑿禮著陶鑄功宣東膠西序春誦夏絃芳塵載仰祀典無驚。謹案舊志有隋文帝贈孔子為先師尼父一條而闕里文獻考不載今附注於此。

己卯唐高祖皇帝武德二年隋皇泰夏六月戊戌詔有司立周公孔子廟。

詔曰盛德必祀義存方冊。達人命世流慶後昆。爰始姬旦匡翊周邦創設禮經大明典憲啟生民之耳目窮法度之本源粵若宣尼天姿睿哲四科之教歷代不刊三千之徒風流無散惟茲二聖道濟生民尊禮不修孰明衰尚直命有司立周公孔子廟各一所四時致祭仍博求其後具以名聞詳考所宜當加爵土。

甲申七年春二月丁巳帝詣國子學釋奠於先聖先師。

詔曰釋奠之禮致敬先師鼓篋之義以明遜志。比多缺略更宜詳備。仲春釋奠服將親覽所司具為條式以時宣下。是月丁巳帝親釋奠以周公為先聖孔子為先師。

戊子太宗皇帝貞觀二年詔以孔子為先聖顏子為先師。

從左僕射房元齡博士朱子奢議。

庚寅四年詔州縣學皆作孔子廟。

丁酉十一年秋七月尊孔子為宣父。

詔兖州作闕里孔子廟給守林廟戶二十。命襄聖侯朝會位同三品祭祀冕服亦如之。

庚子十四年春二月丁丑觀釋奠於國學。

命祭酒孔穎達講孝經尋命穎達與諸儒定五經疏謂之正義令學者習之。

未丁二十一年初以先儒配享孔子廟。

詔以左邱明卜子夏公羊高穀梁赤伏勝高堂生戴聖毛萇孔安國劉向鄭眾賈逵杜子春馬融盧植鄭康成服虔何休王肅王弼杜預范甯二十二入代用其書垂於國冑自今有事於太學可并配享宣父廟堂初國學釋奠以儒官為祭主直書博士姓名至是中書侍郎許敬宗等奏釋奠既準中初釋奠禮必須稟命今請國學釋奠令國子祭酒為初獻祝詞稱皇帝謹遣仍令司業博士為亞終獻其諸州刺史為初獻上佐博士為亞終獻縣令為初獻丞簿若尉為亞終獻州縣釋奠既遣刺史縣令為祭主請準祭社稷給明衣國學祭以太牢樂用軒縣六佾之舞並登歌一部會皇太子釋奠自為初獻以祭酒可業為亞終獻州縣祭以少牢無樂詔從之。此先儒配享及國學道官釋奠直省以長官主祭之始。謹案唐初沿用隋樂武德九年始詔祖孝孫等定雅樂取大樂與天地同和之義等奉詔考正律呂叶其聲音貞觀中協律郎張文收等奉詔考正律呂叶其聲音貞觀中協律郎者降神奏永和文武三成送神一出奠幣登歌奏肅和入俎及徹豆奏雍和送文舞出迎武舞入奏舒和獨未詳酌獻樂或亦如當時凡祭酌獻奏毒和與迎神送神辭曰聖道日用神機不測金石以陳絃歌載陳爰釋其茶匪馨於稷來顧來享是崇是極奠幣辭曰粵惟上聖有縱自天旁周萬物俯應千年舊章允若嘉贊孔虔王化茲首儒風是宜迎俎辭曰堂獻瑤篚庭敷瓊縣禮備其容樂和其



雙肅肅親享雍雍執奠明德惟馨蘋蘩可薦出入
二舞辭曰畢集龜開昭聖烈能時肅神威尊
儒敬業宏圖開緯武經文盛德施武舞歌凱安辭
曰昔在炎運終中華亂無象鄧郊赤鳥見山照
雲上大賚下周車葉暴開殷
網幽明同叶贊鼎祚齊天壤

丁巳 高宗皇帝顯慶二年始定釋奠先聖先師之制

承徽中復以周公為先聖孔子為先師顏回左邱
明以下皆從祀至是從太尉長孫無忌等議定以
孔子為先聖
顏子為先師

丙寅 乾封元年帝過曲阜贈孔子太師祠以少牢

詔曰朕聞德契機神盛烈光於後代化成天地元
功被於庶物魯太司寇宣尼父孔某資大聖之材
屬衰周之末思欲屈己濟俗宏道在時應聘周流
莫能見用想乘桴以咏嘆因獲麟而典感於是垂
素王之雅則正魯史之繁文播鴻業於一時昭景
化於千祀朕躬膺寶歷祗奉睿圖憲章前王規矩
先聖崇至公於海內行大道於天下遂得入表又
安兩儀交泰功成化洽禮盛樂和展采東巡迴輿
西土途經茲境撫事典懷駐蹕荒區願為師友瞻
望幽墓思承格言雖燕痕荒蕪餘基尚在靈廟虛
寂徽烈猶存孟軻曰自生民以來未有若孔子者
也微禹之嘆既深衰崇之道宜峻可追贈太師庶
年代雖遠式範令國景業維新儀型茂實其廟宇
制度卑陋宜更加修造仍令三品一人以少牢致
祭朕聖侯德倫既承蔭緒有異常流其子孫並宜
免賦役○春二月己亥遣司稼卿秩餘陸致祭曰
惟神玉鉤陳賦靈開四嶽以騰爽天縱攸高傳三
命之範神資越誕投山嶽以騰爽天縱攸高傳三
海而標狀折衷六藝宜刊九流睿乃生知靈非外
獎於是考三古褒一言刊典謨定風化莊敬之容
畢備鐘鼓之音載和父子爰親君臣以穆蕩乎煥
平樂正雅頌各得其所可不謂至聖矣夫朕以涼

德嗣膺神器式崇祇配展義云亭感周禮之尚存
悲素王之獨往杼軸洙泗如挹清瀾雷連無零似
開金奏昌門曳練徒有生芻之疑漢曲移舟非復
祥萍之質慨然不已爰贈太師堂宇卑陋仍命修
造聖子孫合門勿事庶能不遺百代功損益之
可知承鑑千年同比肩而為友幸陳非奠用旌無
朽梅曙霞梁松春月牖德音暢而無斁形神
忽其將久倘非殊於生前亦知榮於身後

戊辰 總章元年春二月皇太子釋奠贈顏子太子少師

曾子太子少師表建闕里孔子廟碑詔從之

詔曰皇太子宏近因釋菜尚胄上岸祗事先師馳
心近侍仰崇山而景行眷曩哲以勤懷顯顏曾之
特高揚仁義之雙美請申袞贈載甄芳烈朕嘉其
進德冀以思齊訓誘之方莫斯為尙顏回可贈太
子少師曾參可贈太子少師並
配享命崔行功撰孔子廟碑文

庚午 咸亨元年夏五月詔州縣皆修孔子廟

詔曰諸州縣孔子廟堂有破壞并先來未造者遂
使先師缺奠祭之儀久致飄零深非敬本宜令有
司造

庚寅 中宗皇帝嗣聖七年冬十月封孔子為隆道公

乙巳 神龍元年詔以鄒魯百戶為隆道公采邑收其租稅用供薦享

壬子 睿宗皇帝太極元年春二月丁巳皇太子釋奠帝親製孔子贊以兗州近祠戶三十供灑掃贈顏子太子太師曾子太子太保

親製孔子贊以兗州近祠戶三十供灑掃贈顏子太
子太師曾子太子太保



儒藏

帝製孔子贊曰倚與夫子實有聖德其道可遊其儀不忒刪詩定禮百王取則吾豈匏瓜東南西北

己未元宗皇帝開元七年冬十一月乙亥定皇太子齒

宵祀先聖儀如釋奠

詔三獻皆用胄子

庚申八年初定十哲配祀孔子廟

從司業李元瓘言詔十哲為坐像悉與祀曾參亞之圖七十子及二十一賢於廟壁帝自製顏子贊仍令當朝文士分為之贊題於壁此十哲配祀之始

乙丑十三年冬十一月丙申帝詣孔子宅釋奠遣禮部

尚書蘇頌以太牢祭孔子墓

詔曰孔宣父誕聖自天垂範百代作王者之師表開生民之耳目朕增封岱岳迴鑿酒濱恩闕里之風想雲壇之咏遐矣遺烈慨然永懷式遵祀典用申誠敬宜令禮部尚書蘇頌以太牢致祭仍令州縣以時祠享復近墓五戶長供掃除

壬申二十年秋九月開元禮成定州縣釋奠儀

先是十一年詔州縣釋奠用牲牢屬縣用酒脯十

九年停牲牢至是定先聖先師籩豆八簋簋二俎

三準祭社稷

甲戌二十二年詔撰釋奠樂章樂用姑洗之均三成

增三和為十五和釋奠用宣和改迎神辭曰通吳

表聖問老探真三千弟子五百賢人億齡規法萬

載祠禮潔誠以祭奏樂迎神送神辭曰禮溢儀象

羞陳俎豆魯壁類聞泗川如觀里校單福自筵承

禮雅樂清音送神具奏

戊寅二十六年春正月令天下州縣里皆置學

勅鄉貢謁先師著為令

己卯二十七年秋八月追諡孔子為文宣王贈弟子公

侯伯爵

詔曰宏我王化在乎儒術能發揮此道啟迪含靈則生人以來未有如夫子者也所謂自天攸縱將聖多能德配乾坤身揭日月故能立天下之大本成天下之大經美教政移風俗君臣父父子公不用俾於今受其賜不其猗歟於戲楚王莫封魯公祀於遠光靈益彰雖代有褒稱而未為崇峻不副於實人其謂何朕以薄德祗膺寶命思開文明光被華夏時則異於古今情每重於師旣先其教合旌厥德爰申盛禮載表徽猷夫子旣行聖可追諡為文宣王宜令三公持節册命至如辨方正位著自禮經苟非得所何以示則昔緣周公南面而夫子西坐今位既殊所宜依舊宜補其墜典永作成式自今以後兩京國子監夫子皆南面坐十哲等東西列侍天下諸州亦準此且門人三千見稱十哲包夫重美寶越等夷賜元聖之風規發人倫之耳目並宜褒贈以寵賢明顏子既云亞聖須優其秩可贈充公閔子騫可贈侯冉伯牛可贈侯冉仲弓可贈侯宰我可贈侯端木子貢可贈侯子路可贈侯公西赤可贈侯端木子貢可贈侯黎侯言子游可贈侯子夏可贈侯端木子貢可贈侯格言參也稱魯雖居七十之數不載四科之目項雖參於十哲終未殊於等倫久稽先自俾循舊位庶子禮得其序人焉式瞻又詔曰道可崇崇豈限今古追贈之典旌德存焉夫子十哲之外曾參等六十七人同升孔門博習儒術子之四教兩實行

之親授教言，式揚大義。是稱達者，不其盛歟。欽若古風，載崇元聖。至於十哲，亦被寵章。而子與之倫，未有稱謂。安亞四科之士，以疏五等之封。俾與先師成禮，乃贈會參成伯。顏、孫、陳、伯、滄、臺、滅、明、江、伯、宓、子、賤、單、伯、原、憲、原、伯、公、冶、長、莒、伯、南、宮、適、鄒、伯、公、皙、哀、邴、伯、會、點、宿、伯、顏、路、杞、伯、商、瞿、蒙、伯、高、柴、樊、伯、漆、開、滕、伯、公、西、伯、邵、伯、丞、馬、期、郈、伯、伯、樊、遲、樊、伯、有、若、卜、伯、公、西、伯、邵、伯、丞、馬、期、郈、伯、梁、鱣、梁、伯、顏、柳、蕭、伯、冉、孺、郈、伯、曹、邴、豐、伯、伯、處、鄒、伯、公、孫、龍、黃、伯、冉、季、產、東、平、伯、秦、子、南、少、梁、伯、漆、雕、斂、武、城、伯、顏、子、驕、瑤、伯、漆、雕、徒、父、須、句、伯、壤、駟、赤、北、微、伯、商、澤、睢、陽、伯、石、作、蜀、郟、邑、伯、任、不、齊、任、城、伯、公、夏、首、亢、父、伯、公、良、孺、東、牟、伯、后、處、營、邱、伯、秦、開、彭、衙、伯、奚、容、藏、下、邳、伯、公、有、定、新、田、伯、顏、襄、臨、沂、伯、鄒、單、銅、鞮、伯、句、井、疆、淇、陽、伯、罕、父、黑、乘、邱、伯、秦、商、上、洛、伯、申、黨、召、陵、伯、公、祖、子、之、期、思、伯、榮、子、旗、雋、婁、伯、縣、成、鉅、野、伯、左、人、郟、臨、淄、伯、燕、汲、漁、陽、伯、鄒、子、徒、祭、陽、伯、秦、非、汧、陽、伯、施、常、乘、氏、伯、顏、曾、朱、虛、伯、步、叔、乘、淳、于、伯、顏、之、僕、東、武、伯、原、亢、籍、萊、蕪、伯、樂、效、昌、平、伯、廉、潔、莒、父、伯、顏、何、開、陽、伯、叔、仲、會、瑕、邱、伯、狄、黑、臨、濟、伯、邾、異、平、陸、伯、孔、忠、汶、陽、伯、公、西、與、如、重、邱、伯、公、西、歲、祝、阿、伯、道、尚、書、左、丞、相、裴、耀、卿、就、國、于、廟、行、冊、禮、又、遣、太、子、少、保、崔、琳、就、東、都、行、禮、又、勅、兩、京、及、兗、州、舊、宅、廟、皆、改、號、服、其、諸、州、縣、廟、宇、既、小、但、移、南、面、不、須、改、衣、服、兩、京、牲、用、太、宰、樂、官、縣、舞、六、佾、州、縣、則、牲、以、少、牢、而、無、樂、○謹、案、諸、賢、封、爵、考、新、唐、書、及、唐、會、要、所、載、除、十、哲、外、祇、六、十、七、人、而、杜、氏、通、典、則、多、衛、伯、遼、瑗、清、河、伯、林、放、顏、伯、陳、充、魯、伯、申、振、闕、伯、琴、牢、南、陵、伯、琴、張、六、人、今、附、注、於、此。

庚辰 二十八年，詔春秋二仲上丁以三公攝行事。
 遇大祀用中丁。
 州縣祭常上丁。
 丙午 代宗皇帝大歷元年春二月，國學祠堂成，始釋奠。

設宮縣。

壬辰 唐明宗長興三年，初定七十二賢祠饗，各陳酒脯。以國子博士蔡同文奏勅準郊祀錄從祀位各陳脯醢。

戊申 漢高祖乾祐元年改雅樂。

改唐十二和為十二成，廢後增三和而易宣和為師雅以祀孔子。

壬子 周太祖廣順二年夏六月朔乙酉，帝如曲阜祠孔子，拜其墓。

帝謂孔子祠將拜從，臣言天子不當拜異代陪臣。帝曰：孔子百世帝王之師，敢不敬乎？遂拜。又拜其墓，命禁樵採，置所奠金花銀鏤十數事於廟。

乙卯 世宗顯德二年，詔營國子監。

己未 六年春正月，作律準，定大樂。

改十二成為十二順，去師雅而奏禮順以釋奠孔子。其樂章與漢十二成今併佚。

戊寅 遼太祖神冊三年，夏五月，建孔子廟，詔皇

太子春秋釋奠。

帝問侍臣：受命之君當事天敬神，有大功德者，朕欲事之，何先？皆以佛對。帝曰：佛非中國教，太子信即命建孔子廟，詔皇太子春秋釋奠。

庚子 道宗清寧六年，夏六月，命以時祭先聖先

師。



儒藏

庚申宋太祖皇帝建隆元年春正月帝視學謁孔子詔增葺祠宇塑繪先聖先賢像自爲孔顏贊書於座端

令羣臣分撰餘贊釋奠用永安之樂

帝製孔子贊曰王澤下衰文武將墜尼父挺生河海標異祖述堯舜有德無位哲人其萎鳳鳥不至

○用兼判太常寺翰林學士竇儀言取治世之首安以樂之義改十二順爲十二安祭孔子用永安

然惟親祀用官懸有司攝事止登歌而已謹案元年春正月癸未及二月丙辰連幸國子監乾德

西辛二年詔貢舉人就國子監謁先師著爲令

壬戌三年詔祭文宣王廟用一品禮立十六戟於廟門

未癸太宗皇帝太平興國八年詔修闕里孔子廟

呂蒙正爲之記

戊子端拱元年秋八月庚辰帝謁太學謁孔子

庚寅淳化元年帝謁太學謁孔子

甲午五年冬十一月丙寅帝謁太學謁孔子

亥己真宗皇帝咸平二年秋七月甲辰帝謁太學謁孔子

子

丙午景德三年令諸道修葺文宣王廟禁不得殘毀

從資政殿大學士王欽若之請

丁未四年夏五月詔兗州增孔子守塋二十戶

戊申太中祥符元年冬十一月戊午帝至闕里謁孔子

廟加謚元聖文宣王遂拜其墓

帝封禪畢詔曰朕以紀號岱宗觀風廣魯載懷先聖實主斯文矧尼邱毓粹之區光靈可挹而曲阜

奉祠之地廟貌猶存將仲欵謁之儀用表欵崇之志宜取十一月朔日幸曲阜縣備禮躬謁謹將朕

意仍付所司帝謁廟行酌獻禮特展拜令近臣分奠孔子父母及七十二弟子遂詣叔梁父堂又謁

孔林越三日辛酉追謚孔子詔曰王者順考古道懋建太猷崇四術以化民昭宣教本總百王而致

治不雙人文方啟迪於素風思不揚於鴻烈先聖文宣王道膺上聖體自生知以天縱之多能實人

倫之先覺元功侔於簡易景鍊配乎貞明惟列辟以尊崇爲德載之師表肆朕尊味欵承命歷萬嘗

不遵守彝訓保父中區屬以祗若元符告成喬嶽觀風廣魯之地飭駕數仞之牆躬謁遺祠緬懷遐

躅仰明靈之如在肅奠獻以惟寅是用考備冊之文昭聰徹之德聿舉追崇之禮庶申嚴奉之心備

物典章垂之不朽誕告多士昭示朕懷宜追謚曰元聖文宣王初帝欲追封孔子爲帝或曰宣父周

之陪臣周止稱王不當加帝號故第增美號而已遣行吏部尚書清河郡開國公張齊賢祭告曰朕

以有事岱宗畢告成之盛禮緬懷闕里欵設教之素風躬謁奠於嚴祠特褒崇於懿統仍令舊相載

達精誠昭薦吉錫用避典禮以充公顏子等配又追封聖父聖母詔曰朕以祗陟岱宗新巡魯甸承

懷先聖之德躬造闕里之庭奠獻周旋欵崇備至惟降靈之有自亦錫美之有初像設具存名稱斯

闕豈加追命以燦典章叔梁父可追封齊國公顏氏可追封魯國太夫人遣都官員外郎王勵精虔

祭告。追封聖配詔曰。朕時巡魯郡。躬詣孔堂。顧風
教之所尊。舉典章而既渥。眷惟令叔。作合聖靈。載
稽簡冊之文。尙闕封崇之數。屬茲歲秩。特示追榮。
垂厥方來。式昭遺範。示官氏可道。對鄆國夫人。仍
令兗州遣官詣曲阜廟。祭告命。命以時修葺。祠
宇給近便。十戶奉壘廟。又命以御香一盒。并銀錢
及親奠祭。黍皆酌於廟。授四十六代孫孔氏家錢
禮郎。聖佑及近屬。賜出身者六人。仍賜孔氏家錢
三十萬。帛三百疋。賜祭田百頃。勅藏經史及太宗
皇帝御製御書於廟中書樓。初。孔林有樹。礙道。有
司將翦伐。帝不許。降華乘馬至。
墓設奠。再拜。慰息墓左者久之。

己酉 二年春三月。頒曲阜廟桓圭一。加冕九旒。服九章。
從上公制。

帝製孔子贊。命廷臣分撰顏子以下諸贊。

詔曰。朕乃者封魯禘社。昭列聖之鴻勳。崇德報功。
廣百王之彝制。洎言旋於闕里。遂躬謁於魯堂。瞻
河海之姿。睇容穆若。出洙泗之上。高風凜然。舉盛
典之有加。期斯文之益振。由是推恩。世胄并錫。其
寵章祇事。祠庭廣增。其奉邑。復念性與天道。德冠
生民。議茲元聖之名。冀廣嚴師之道。兼朕親爲製
贊。以表崇儒。至於四科。鉅賢竝起。五等七十。達者
俱贈列侯。伊彼先儒。皆傳聖道。咸加贈典。俾耀素
風。仍命寮案。分紀遺烈。式晉褒揚。之旨。庶資善誘。
之方。贊成命。刻石園學。及曲阜廟中。帝製孔子
贊。序曰。若夫檢玉介邱。迴輿闕里。緬懷於先聖。躬
謁於嚴祠。以爲易俗化民。既仰師於典訓。崇儒尊
道。宜益峻於徽章。增薦崇名。率陳明祀。思形容於
盛德。爰刻鑲於斯文。贊曰。立言不朽。垂教無疆。昭
然令德。偉哉素王。人倫之表。帝道之綱。厥功茂實。
其用允臧。升中既畢。盛典載揚。洪名有赫。懿範彌

夏五月乙卯。詔追封孔子弟子。秋七月戊寅。又封左
邱明等十九人爵。

封顏回。充國公。閔損。琅邪公。冉耕。東平公。冉雍。下
邳公。宰予。臨淄公。端木賜。陽公。冉求。彭城公。仲
由。河內公。言偃。丹陽公。卜商。河東公。曾參。瑕丘侯。
顓孫師。宛邱侯。澹臺明金。鄉侯。必不齊。單父侯。
原憲。任城侯。公冶長。高密侯。南宮適。龔邱侯。公哲。
哀北海侯。曾點。萊蕪侯。顏無繇。曲阜侯。商瞿。須昌
侯。高柴。共城侯。漆雕開。平輿侯。公西赤。壽張侯。公
馬耕。巫馬施。東阿侯。陳亢。南頓侯。梁纘。千乘侯。顏
陰。陽穀侯。冉孺。臨沂侯。冉季。諸城侯。伯虔。洧陽侯。
辛陽。穀枝。江侯。秦冉。新息侯。秦祖。鄆侯。漆雕
公孫龍。枝江侯。秦冉。新息侯。秦祖。鄆侯。漆雕
濮陽侯。顏高。雷澤侯。漆雕徒父。高苑侯。壤駟赤。
邾侯。林放。長山侯。商澤。鄒平侯。石作蜀。成紀侯。任
不齊。當陽侯。申根。文登侯。公良孺。牟平侯。曹邨。上
蔡侯。奚容蒧。濟陽侯。句井疆。滄陽侯。申黨。淄川侯。
公祖。向。茲。卽。墨侯。榮。旂。歐。次。侯。縣。成。武。城。侯。左。人
鄆。南。華。侯。燕。汲。河。源。侯。鄭。國。駒。山。侯。秦。非。華。亭。侯。
施。之。常。臨。濮。侯。顏。曾。濟。陰。侯。步。叔。乘。博。昌。侯。顏。何。堂。侯。
僕。宛。句。侯。蘧。瑗。侯。內。黃。侯。叔。仲。會。博。平。侯。顏。何。堂。侯。
侯。狄。黑。林。慮。侯。邾。異。高。堂。侯。孔。忠。鄆。城。侯。公。西。與。
如。臨。朐。侯。公。西。蒧。徐。城。侯。琴。張。頓。邱。侯。秋。又。封。左。
邱。明。取。邱。伯。公。羊。高。蹄。淄。伯。穀。梁。赤。龔。邱。伯。伏。勝。
乘。氏。伯。高。堂。生。萊。蕪。伯。戴。聖。楚。邱。伯。毛。萇。樂。壽。伯。
孔。安。國。曲。阜。伯。劉。向。彭。城。伯。鄭。眾。中。牟。伯。杜。子。春。
猴。氏。伯。馬。融。扶。風。伯。盧。植。良。鄉。伯。鄭。康。成。高。密。伯。
服。虔。榮。陽。伯。賈。逵。岐。陽。伯。何。休。任。城。伯。王。弼。假。師。
贈。爲。司。空。杜。預。生。前。已。封。當。陽。侯。加。贈。爲。司。徒。
戊庚 二年。頒釋奠儀注及祭器圖於諸路。

宋沿唐制。國學以祭酒。司業。博士。充三獻官。州則
以刺史。上佐。博士。縣則以令丞。簿尉。至是以判國



儒藏

子監孫奭言國學丁祭差太尉太常光祿卿充三獻官。

亥辛 四年夏五月癸巳詔州城置孔子廟。

壬子 五年冬十二月壬申改諡孔子曰至聖文宣王。

以國諱故七年從宰相王旦請以先天節禮畢詣文宣王廟行禮。

甲子 仁宗皇帝天聖二年秋八月己卯帝詣太學謁孔子。

子。

有司言舊儀止肅揖帝特再拜退闕七十二賢贊觀禮器。

壬申 明道元年秋八月戊午詔國子監重修七十二賢

堂左邱明以下二十一人悉以本品衣冠圖之。

甲戌 景祐元年詔釋奠用登歌。

乙亥 二年詔釋奠孔子廟用凝安九成之樂。

帝親製郊廟樂章財成頌體告於神明詔宰臣分造羣祀樂章文宣王廟迎神奏凝安辭曰大哉至聖文教之宗紀綱王化丕變民風常祀有秩備物有容神其格思是仰是崇升殿階並奏同安辭曰右文興化憲古師今明祀有典吉日惟丁豐饗在俎雅奏來庭周旋陟降福祉是膺奠幣奏明安辭曰一王垂法千古作程有儀可仰無德而名齊以滌志幣以達誠禮容合度黍稷非馨酌獻奏成安辭曰自天生聖垂範百王恪恭明祀陟降上庠酌彼醇旨薦此令芳三獻成禮率由舊章飲福奏灑禮成樂備象在前豆簋在列以享以薦既芬既潔禮安辭曰肅肅庠序祀事惟明大哉宣父將聖多能敬馨肅肅返馭峻兢祭容斯畢百福是膺

甲申 慶歷四年夏五月壬申帝詣太學謁孔子。

仍再拜。

戊子 八年詔齊國公像易以九章之服於聖殿後立廟

以祀。

辛丑 嘉祐六年春三月頒御書宣聖廟額及大成殿榜

於闕里孔子廟。

道克州通判田洵祭告孔子文曰惟王淵聖難名誠明異粟厥厥雅道大闢斯文生民以來至德莫

二教行萬世儀比三王闕里之居祠宇惟煥遐瞻牆仞逃邇門扉奮於飛染之黜新茲標榜之制命工庀事推策消辰敢議形容盍申崇奉仰惟降格遠冀鑒觀謹案額三字以泥金篆之榜三字為飛白體

壬子 神宗皇帝熙寧五年罷貢舉人釋奠。

甲寅 七年定學校釋奠十哲從祀制。

甲子 元豐七年夏五月增孟子配享。

六年詔封孟子鄒國公至是從晉州教授陸長愈言春秋釋奠以充鄒二公並祀又封荀况蘭陵伯揚雄成都伯韓愈昌黎伯並從祀廟庭令撰贊文又詔修四孟釋菜儀

辛未 哲宗皇帝元祐六年冬十月庚午帝釋奠於太學。

一獻再拜增充國公配位酌獻樂奏成安辭曰無疆之祀配俯可宗事舉以類與享其從嘉粟旨酒登薦惟恭降此遐福令儀肅雍

退福令儀肅雍

退福令儀肅雍

退福令儀肅雍

退福令儀肅雍

壬徽宗皇帝崇寧元年春二月庚戌詔封孔鯉為泗

水侯孔伋為沂水侯。

詔曰孔子之道萬世所尊。經與兩之親開詩禮。魯堂從祀。厥有舊祠。疏以爵封以示褒顯。可特封泗水侯。又詔曰孔伋聖人之後。孟氏之師。作為中庸。萬世宗仰。眷惟魯郡。實有舊祠。追加爵封。以示褒典。可特封沂水侯。

秋八月甲戌建外學於國南。

甲三年詔名文宣王殿曰大成。

是年以王安石配享孔子。政和三年又以其子雱從祀。後以楊時言罷。王安石配享猶列從祀。淳熙四年詔黜雱。淳祐元年帝以安石謂天命不足畏。三言為萬世罪人。乃黜安石。

冬十一月甲戌帝詣太學謁孔子。

再拜行酌獻禮。遣官分奠充國公以下。

乙酉四年秋八月增文宣王冕十二旒服十二章執鎮

圭廟門立二十四戟。並同王者之制。

先是熙寧七年判國子監常秩等請追尊孔子以帝號。下兩制禮官詳定。以為非是。而止。入年新廟成。秩又舉開元制。乞增文宣王冕旒。章服。禮官沿建隆及大中祥符之制。不允。當時所定先賢先儒冠服。悉依本朝郡國縣封爵制度。崇寧三年以國子監丞趙子揅言。詔易七十二子以周之冕服。而孔子仍舊。至是。國子監司業蔣靜言。先聖與門人通被冕服。無別配享從祀之人。當從所封。舊服。周之服。公之袞冕。九章。侯伯之鷩冕。七章。今既考正。配享從祀之服。亦宜考正。先聖之冕服。其袂圭立

載。乞茲從王者制度。詔從之。又頒祭服制度於州縣。皆以法服行禮。

頌祝文

文宣王位前祝文曰。維年月日。具官某。敢昭告於至聖文宣王。惟王固天攸縱。誕降生知。經緯禮樂。闡揚文教。餘烈遺風。千載是仰。俾茲末學。依仁游藝。謹以制幣犧齊。來盛庶品。祗奉舊章。式陳仁薦。以充國公。鄒國公配。尚饗。充國公位前曰。爰以仲鸞。率遵故章。謹修釋奠於至聖文宣王。惟公好學之樂。算駟不改。絕座之蹤。步趨可望。德行扶世。心同禹稷。具體而微。素王是配。謹以制幣牲齊。來盛庶品。式仲鸞。率遵故章。謹修釋奠於至聖文宣王。惟公生後孔子。百有餘歲。其於聖人如親見之。辭開楊墨。三聖是承。扶世道民。以祭配祀。謹以制幣牲齊。來盛庶品。式仲鸞。率遵故章。謹修釋奠於至聖文宣王。惟公廣記載。唐開元禮釋奠。祝文先聖位前與宋所頒辭同。惟至聖文宣王作先聖宣父。惟王作惟夫子。以充國公鄒國公作以先師顏子少異耳。先師位前祝曰。具官某。敢昭告於先師顏子。爰以仲鸞。率遵故章。敬修釋奠於先師顏子。惟子庶幾。具體德冠四科。服道聖門。實臻壺奧。謹以制幣犧齊。來盛庶品。式陳明獻。從祀配神。尚饗。今附注於此。

丁亥大觀元年定貢士入學釋菜之儀。

戊子二年詔繪孔子像從祀於左邱明二十四賢之

間。從通事郎侯孟請。

己丑三年大晟府釋奠樂成。

迎神奏擬安辭曰。仰之彌高。鑽之彌堅。於昭斯文。被於萬年。裊裊膠庠。神其來止。思報無窮。敢忘於



儒藏

始升降奏同安辭曰生民以來道莫與京溫良恭
 儉惟神惟明我潔尊疊陳茲芹藻言升言旋式崇
 斯教奠幣奏明安辭曰於論鼓鐘于茲西雍案盛
 肥碩有顯其容其洋洋威瞻像設幣以達誠歆
 我明潔酌獻奏成安正位辭曰道德淵源斯文之
 宗功名猷批素王之風頌兮斯牲芬兮斯酒綏我
 無疆與天為久充國公辭曰仁由三月名高四科
 容莊而坐時過鄉國公辭曰取取惟嘉祇薦無四
 侍爾其誰過鄉國公辭曰取取惟嘉祇薦無四
 承辭闕高仲禹功世典隆文盛興惟崇濤獨嘉粟
 式陳儀容亞終獻亦奏成安辭曰晷設於東黃流
 其中鵬盡三批歌還一終彼屯而窮今泰而通予
 與斯文同竟之風送神奏擬安辭曰肅莊紳綏吉
 錫牲犧於皇明祀薦登惟時神之來兮於聖之隨
 神之去兮休嘉之貽後政和六年頒降闕里又闕
 里新志載宋時樂曲兩於升降奠幣各多一章不
 知何時所更易亦未識類於何年附識於此其升
 降辭曰賢於唐虞飛騰粹英玩成義易刊定麟經
 宗周尊王炎劉推明時予命祀登降惟誠其奠幣
 辭曰晨幾飛霜聲初諧商事先陳幣恭承箱由
 階載升於位肅將周旋無譁如在洋洋

庚寅
 四年詔封公夏首等十人侯爵
 議禮局言史記弟子傳曰受業身通六藝者七十
 有七人家語曰七十二弟子皆升堂入室案唐會
 要七十七人而開元禮止七十二人又復去五人
 一本朝議臣斷以七十二子之說取琴張等五人
 而去公夏首等十人今以家語史記參定唐會要
 開元禮公夏首等十人亦互見之皆有伯爵載於
 祀典請追贈侯爵使與祭享詔封公夏首鉅平侯
 后處膠東侯公肩定梁父侯顏祖富陽侯鄭單聊
 城侯罕父黑祈鄉侯秦商馮翊侯原
 亢樂平侯樂菽建成侯廉潔胙城侯

辛卯
 政和元年夏六月詔更定從祀封爵犯聖諱者曾

參等八人

太常寺言孔子高弟子封爵與宣聖名同失尊師
 之禮乃詔改封曾參武城侯顏頤孫師顏川侯南宮
 适汝陽侯司馬耕睢陽侯琴張陽平侯左邱明中
 都伯毅梁赤睢陵伯戴聖考城伯又詔郡縣名犯
 先聖諱者悉改之

甲午
 四年頒大成殿額於孔子廟

乙未
 五年詔鄒縣孟子廟以樂正子配享公孫丑以下

從祀

封樂正子克利國侯公孫丑壽光伯萬章博興伯
 治生不害東阿伯孟仲子新泰伯陳臻蘧萊伯充
 廣呂樂伯屋廬連奉符伯徐辟仙源伯陳代沂水
 伯彭更雷澤伯公都子平陰伯戚邱蒙須城伯高
 子泗水伯桃應膠水伯益成括萊
 陽伯季孫豐城伯子叔承陽伯

丙申
 六年夏五月頒正聲大樂器一副禮器一副於闕
 里

闕里始備太常制度又詔四仲之月祭文宣禮畢
 易常服詣聖父聖母聖配及泗水侯沂水侯殿各
 酌獻三奠訖
 而後徹樂

己亥
 宣和元年立孔林石儀

壬寅
 四年春三月辛酉帝詣太學謁孔子親製像贊

帝製孔子贊曰厥初生民自天有造百世之師立
 人之道有藝有倫垂世立教爰集大成千古允瞻
 乃立斯所乃瞻斯宮
 瞻彼德谷云孰不崇

戊午高宗皇帝紹興八年金天春元年夏六月詔撥衢州官

田奉先聖祀事。

時衍聖公孔玠從帝渡江隔絕林廟。

庚申十年金天春秋七月詔京師釋奠文宣王為大祀。

從王普請祀前受誓戒加筮豆十二其禮如社稷州縣仍為中祀。

癸亥十三年金皇統秋七月國學大成殿告成奉安聖

像。

甲子十四年金皇統春三月己巳帝詣太學謁孔子製

先聖及七十二子贊親書揭於大成殿及兩廡。

帝幸太學止輦大成門外升東階跪上香執爵三祭酒再拜遣官分奠如常儀。帝製孔子贊曰大哉宣王斯文在茲帝王之式古今之師志在春秋道由忠恕賢於堯舜日月其喻惟時載雍載此武功肅昭盛儀

海高事崇

丙寅十六年金皇統六年夏國尊孔子為文宣帝。

先是夏主仁孝大慶五年始建太學於國中親釋奠至是復尊孔子帝號。從曹魏例附紀正朔下。

丁酉孝宗皇帝淳熙四年金大定十七年春二月乙亥帝詣太

學謁孔子。

庚子七年金大定二十年詔依國學位數爵號姓名及祭器頒

於州縣。

乙卯寧宗皇帝慶元元年金明昌六年仍定文宣王為中祀。

癸亥嘉泰三年金泰和三年春三月戊戌帝詣太學謁孔子。

乙未理宗皇帝端平二年春正月甲寅詔升子思子於

十哲。

辛丑淳祐元年春正月詔以周敦頤張載程頤程顥朱

熹從祀廟庭。戊申帝詣太學謁孔子製道統十三贊。

帝將祀太學甲辰降御札曰朕惟孔子之道自孟軻後不得其傳至我朝周敦頤程頤程顥張載真見力踐深探聖域千載絕學始有指歸中興以來又得朱熹精思明辨表裏融渾使中庸大學語孟

之書本末洞徹孔子之道益以大明於世朕每讀五臣論著啓沃良多今視學有日爰令學官列諸

從祀乃封敦頤汝南伯頤河南伯頤伊陽伯載鄆伯熹於寶慶三年贈太師封信國公紹定三年改

封徽國公。帝製孔子贊曰聖哉尼父秉德在躬歷聘列國道大真容六藝既作文教聿崇古今日

月萬代所宗。

辛酉景定二年蒙古世祖中統二年春正月丁丑皇太子禋釋奠

詔以張栻呂祖謙從祀。

栻封華陽伯祖謙封開封伯。

丁卯度宗皇帝咸淳三年蒙古至元四年春正月以邵雍司馬

光從祀。戊申帝詣太學舍菜。

雍封新

安伯。